

Título: Türen	Sünulia: Türen
Recopilado y escrito por: Jandy José Rodríguez lipuana	Akotchajuushi otta ashajuushi nutuma: Jandy José Rodríguez lipuana
Clan: Uliana	E'iruku: Uliana
Lugar: Relato local comunidad de Meera, Uribia	Eejetülee: Relato local comunidad de Meera, Uribia
Fecha: 1 de junio de 2021	Süka'iya: 1 juunio no'u chi juyakai 2021

TÜREIN

Yaa sulu'u woumain Wajjira eesü wane süpüshi kemion miyo'u ma'in suulia, kachueerale'eya süpüshua'a, türein sünulia. Süntirüin wane alijunairua a'yataasü. Antüsü süpüla a'yatawaa sünain tü shi'yataainjatkalü anain.

Palajana eerunnüsü wane türoochi lotüsü, süpünainjatü süpüla ejaa tü ipa kanüliakalü müşhaija. Keraapa türoochikat sünain lotüin, a'yataasü maakina sünain ako'ijo mma maa aka saa'in karateerü. Kettaapa chamünalüin mmakalü, asiraijünüsü yaa soo'opünaa, süpüla shi'itaanüin tü taapülakalü. Alatitna müsia soo'opünaa taapülakalü wane kachueera atai ma'in süpüla suu'ui tü türenkalü.

Tü süpülanakalü suu'ui, eje'ipenajuushi chajee Media Luna, sotpa'ajee palaakalü, antüin shia eere tü müşhaijakalü, chayaa uucho'u.

O'una müsia tü türeinkalü sünain sajaraijün waneeirua kanüliasü wagon, tüürua süpülanakalü tü müşhaijakalü je süpüla korolo.

Tü palajatkalü türein, ni'itaala chi laülaashikai sulu'u tü mmakalü Kolomia, chi kanüliakai Belisario Betancur. Antüshi süpüla ni'itaain shia sünain a'yatawaa keettaapa tü süpünakalü; ejasü müşhaija chajee uucho'ujee chamüin cha'aya Media Luna.

Tüü chajatü aainjünüin sulu'u wane pueulo kanüliasü Albania; wainma laülayuu eejatkälü nümaa chi laülaashikai sulu'u Kolompi.

Tü palajatkälü türein sünain e'ikajawaa müşhaija chamüin Puerto Bolivar, ajaraitüsü ja'rai shikii wagon. Süka palajatün shia, o'unusü jayatta'a sümaa tü süchisekalü.

Tü müşhaijakalü oikünüsü sulu'umüin wane mma wattä, sümüin alijuna naatajatü, süka wainmain anakalü apüla shia sümüin alijuna.

Sulu'upünaa tü süpünakalü eesü ashajuushi aapiria wayuu suulia ouktajüin sütüma tü türeinkalü je suulia ouktajüin namünün müleka sülätüle wanaa sümaa.

¡Jalia pümünün suulia tü türeinkalü! Pürüleejapan, wattalu'u pütüma suulia.

¡Jalia ne'e pia eewa'laa sütüma tü türeinkalü!

Piisalaja pukuaippa suulia. Süka jamün tü türeinkalü keewainrü mürülü je wayuu.